



COMUNE di ORISTANO
COMUNI de ARISTANIS
C.F. 00052090958

CONTRIBUTUS PO SU DERETU A SU STÙDIU 2020-2021

**BURSA DE STÙDIU REGIONALI- A.S. 2019/2020 (L.R. 5/2015) BONU LÌBURUS/REMBURSU SPESAS CÒMPORA
LÌBURUS DE TESTU - A.S. 2020/2021 (ART. 27 L.448/1998)**

AVISU

SA DIRIGENTI DE SU SETORI PROGRAMMATZIONI E GESTIONI DE IS RESURSAS

Bida:

- sa delibera de sa Giunta Regionali de Sardigna n. 56/51 de su 13.11.2020 cun "Atzionis po agiudai su deretu a su stùdiu po s'annu 2020. L.R. 25.6.1984, n. 31, L.R. 9.3.2015, n. 5, L. 23.12.1998, n. 448";
- sa detèrmina de su Servitziu Polìticas Scolàsticas – Dìretzioni Generali de s'Istruzioni Pùblica de sa RAS n. 698 prot- n. 14374 de su 23.11.2020 cun "Atzionis de agiudu a su deretu a su. L.R. 25.6.1984, n. 31 – L.R. 9.3.2015, n. 5 – L. 23.12.1998, n. 488 – Spartzidura fundus in favori de is Comunas de Sardigna. Aprovamentu inditus operativus e modulìstica";
- Bida sa Detèrmina de sa Dirigenti de su Setori Programmatzioni e Gestioni de is Resursas n. 1468 de su 04.12.2020.

SI FAIT SCIRI

a totu is tzitadinus ca ant mòviu is interventus afatantis po su deretu a su stùdiu po studiantis chi su nùcleu familiari tenit un'inditadori de sa situatzioni econòmica ecuivalendi (innoi in antis I.S.E.E.) bàllidu, cunforma a su D.P.C.M. n°159/2013, prus bàsciu o agualis a € **14.650,00**.

1. BURSA DE STÙDIU REGIONALI (A. S. 2019/2020)

Po is studiantis chi in s'A.S. 2019/2020 ant frequentau is scolas pùblicas primàrias e secundàrias de primu e segundu gradu (foras de is beneficiàrius de sa Bursa de stùdiu natzionali (2019/2020)).

S'importu de sa bursa si càrculat cunforma is resursas chi tenit a disponimentu su Comuni e su nùmeru de is studiantis beneficiàrius, aintru de su lìmiti prus artu de 200 èurus a cadauna bursa.

2. BONU LÌBURUS/REMBURSU SPESAS CÒMPORA LÌBURUS DE TESTU (A. S. 2020/2021)

Po is studiantis chi in s'A.S. 2020/2021 frequentant is scolas secundàrias de primu e segundu gradu.

MODU DE INTREGAI DIMANDA

Sa dimanda po intrai a is contributus po su deretu a su stùdiu dda depit intregai **su genidori, o su rapresentanti legali de su studianti o su studianti etotu candu est magiorenni**, chi tenit sa residèntzia in su Comuni de Aristanis, **AINTRU DE s'ora de sa 1.00 de meigama de su 30 DE SU MESI DE IDAS DE SU 2020** cun su **Portali telemàticu de is servitzius scolàsticus de su Comuni de Aristanis** chi fait a intrai cun s'indiriztu <https://oristano.simeal.it/sicare/benvenuto.php> (po intrai a su portali si consillat de impreai su "browser" tipu *Google Chrome, Mozilla Firefox, Safari, Microsoft Edge* agiornaus a is ùrtimus versionis).

A sa dimanda tocat de ddi auniri totu custus documentus:

1. fotocòpia de s'atestau ISEE bàllidu chi si lassat cunforma a sa normativa chi su DPCM n.159/2013 ponit in contu;
2. fotocòpia de su documentu de arreconoscimentu bàllidu de su chi fait rechesta;

3. sceti po su **Bonu liburus**: totu is documentus chi cumproant sa spesa (scontrinus, arrcidas e fatturas in originali);
4. cunsensu a manigiai is datus personalis a firma de su chi fait sa rechesta.

Is dimandas chi non funt cumpiladas comenti si spetat e/o sena de is allegaus chi nci bolint non s'ant a crei idòneas e po tanti s'ant a lassai foras.

N.B. Tocat de cumpilai unu mòdulu de dimanda a cadaunu fillu.

N.B. No fait a acetai sa rechesta de acreditamentu in su liburetu postali.

ATESTAZIONI BALORI I.S.E.E. – ACHIRIMENTU DE UFÌTZIU

Ponendi in menti a sa normativa in vigori in matèria de ISEE - art. 10, comma 4, de su Decretu Legislativu n. 147/2017, comenti ddu at mudau s'art. 4-sexies, comma 1 de su Decretu Lei 30 de abrili de su 2019, n. 34, cunvertiu cun mudaduras in sa Lei 28 de làmpadas de su 2019, n. 58 - s'Enti at a sighiri de ufitziu a coberai s'importu ISEE po mesu de s'INPS.

INFORMATIVA DE SU PRIVAU

A su mòdulu de dimanda po sa Bursa de stùdiu regionali e po su Bonu liburus est aunida s'Informativa de su privau chi at aprontau su Comuni.

PO AGIUDU A CUMPILAI SA DIMANDA

- Ufitziu INFORMACITADADI de su Comuni de Aristanis - Guturinu Episcopio Oràriu: de su lunis a sa cenàbura de is 9.00 de mangianu a sa 1.00 de meigama / martis e giòbia de is 4.00 a is 7.00 de merii - Telèfonu: 0783791628 – Indiritzu posta eletrònica: informacitta@comune.oristano.it.

PO INFORMUS:

- Ufitziu Istruzioni Pùblica, de su lunis a sa cenàbura de sa ora de is 10,00 de mangianu a is mesudii – Telèfonu: 0783791307-0783791238 – Indiritzu posta eletrònica: pubblicaistruzione@comune.oristano.it.
- Ufitziu INFORMACITADADI de su Comuni de Aristanis - Guturinu Episcopio Oràriu: de su lunis a sa cenàbura de is 9.00 de mangianu a sa 1.00 de meigama / martis e giòbia de is 4.00 a is 7.00 de merii - Telèfonu: 0783791628 – Indiritzu posta eletrònica: informacitta@comune.oristano.it.
- Ufitziu Relatzionis cun su Pùblicu (URP) a Telèfonu 0783 791331/337 - e/o Indiritzu posta eletrònica: urp@comune.oristano.it;
- Seas de is ufitzius decentraus me in is fratzionis (po oràrius: <https://www.comune.oristano.it/it/uffici/frazioni-uffici-decentrati/>).

Su Responsàbili de su Procedimentu, cunforma a is artìculus 4 e 5, de sa Lei 241/90 e m.i. afatantis, est sa Dirigenti de su Setori Programmatzioni e Gestioni de is Resursas.

Custu avisu si pùblicat in s'Albu Pretòriu in linia e in su situ istituzionali de su Comuni de Aristanis www.comune.oristano.it <http://www.comune.oristano.it/> (setzioni “Avvisi, scadenze”; setzioni “Tematiche” - “Scuola e istruzione” <https://www.comune.oristano.it/it/tematiche/scuola-universita-e-ricerca/>).

Aristanis, su 04 de su mesi de idas de su 2020

Sa Dirigenti de su Setori Programmatzioni e Gestioni de is Resursas
F.au Dot.ssa Maria Rimedia Chergia